



## Terenga 6: Hōtaka 23 - A me te O

### He Mihi

E te kura-takahi-puni o te reo, pipiri mai anō ki runga ki te papa o Ako. Ki konei tātou whakariterite ai i a tātou mō te pakanga nui kia haruru te whenua nei i te tangi reka o te reo Māori.

### Hei Mahi Whakarongo

He waiata tā te kapa o Ngāti Awa hei whakarongo mā tātou i te rangi nei. E mihi ana ki ngā kaihangā o te hōtaka o Iwi Anthems, mō rātou i huri i te motu ki te kapo i ngā reo rōreka o ngā iwi o te motu. Anei ngā pātai hei whakautu mā koutou:

- 1) Ko hea tō rātou maunga tupuna?
- 2) Ā hea waiatahia ai tēnei waiata?
- 3) Ā hea 'a' ai te kapa, ā hea 'o' ai te kapa?

Kia mātaki tātou i ngā mahi whakangahau a te kapa nei, nō roto o Ngāti Awa.

### He Whakamārama

Hei whakaū ake, ko te pātai matua hei āwhina i te kaikōrero ki te whiriwhiri i te pūriro tika mō roto i ana rerenga kōrero e pā ana ki tētehi rirohanga, ko tēnei: 'He aha te horopaki?' Waihoki, ko tēnei 'He aha te hononga i waenga i ngā mea e rua?' Whāia ēnei pārongo e puta ai te pūriro tika mō te rerenga kōrero:

- 1) Nā Manu i hanga te whare. He kāmura a Manu.
- 2) Ko te tamāhine a Manu ka noho i te whare.
  - a) Kei korā te whare a Manu.
  - e) Mō/Nō te tamāhine a Manu tērā whare.

### He Mahi Ī-papa



Tuhia mai kia rua ngā rerenga e whakaatu ana i ngā mata e rua o ngā kupu kei runga i te ĩpapa.

---

---

### Hei Mahi

**Tirohia ngā rerenga rirohanga e whai ake nei. Tohua te take i 'A' ai, i 'O' ai rānei te rirohanga.**

1. Tokomaha ake ngā tamariki o tērā hapū e haere ana ki te kura kaupapa Māori.
2. Kei waho nei ngā hamarara o ngā manuhiri.
3. Kua tae mai te Minita ki te āwhina i te kaupapa o te rā.
4. E takoto ana te tūpāpaku a te iwi ki te poho o tana tipuna whare.
5. Kei te taha o tana moenga te paipera tapu a Rāniera.

### Whakautu:

**Mahi ĩpapa:** He pango te tarau o te tama. Koirā te tarau hou a Levis.

**Hei Mahi:**

1. he wāhanga ngā tamariki nō te hapū > O
2. he whakaruruhau te hamarara mō ngā manuhiri > O
3. he wāhanga nō te rā te kaupapa > O
4. mā te iwi ki te tūpāpaku e taute, e manaaki > A
5. he momo pukapuka te paipera i hangā e te tangata > A